




Hanka Paldum

Nova ploča Hanke Paldum

Nakon pauze od šest godina, **Hanka Paldum**, jedna od najboljih i najpopularnijih bh. pjevačica, privodi kraju snimanje nove ploče. Većina materijala već je završena, a Hanka Paldum veoma je zadovoljna. Pozivi za njeno gostovanje stižu iz Njemačke, Austrije, Švicarske...

Koliko je tražena govori i to što je ovih dana potpisala ugovor sa *Croatia Recordsom* iz Zagreba koji će njen prvi album izdati za hrvatsko tržište.



Dino Merlin

Dino u Njemačkoj

Dino Merlin i dalje je neprikosnoven na bh. estradi i sve više tražen u Evropi. Posljednjih nekoliko vikenda održao je koncerte od Berlina do Minhena. Gdje god je nastupao, štimung je bio maksimalan, publika zadovoljna, ali i malo mjesta za sve one koji bi da ga čuju. Vlasnici diskoteka u kojima se okupljaju Bosanci u Njemačkoj ne pitaju za cijenu nastupa najveće bh. estradne zvijezde. Gdje god pjeva Dino Merlin, gazde trljaju ruke.

H. H.

TIFA PO EVROPI

Bosanac koji se osjeća američki

Na jednomjesečnoj turneji izbjeglice iz BiH se oduševile repertoarom starog rokera

MALME - **Mladen Vojičić Tifa**, vodeće ime bosanskohercegovačke rok scene, gotovo mjesec dana nalazio se na velikoj evropskoj turneji, koju je započeo sedmog oktobra u Njemačkoj (četiri koncerta), nastavio u Danskoj (tri), a završio u Švedskoj (šest).

Sve dvorane u kojima je nastupao bile su ispunjene do posljednjeg mjesta, a značajniji nastupi bili su u Diseldorfu, Kopenhagenu, Malmu, Štokholmu i Geteborgu, gdje je i završio turneju. Kao šlag pred sami kraj, bili su veličanstveni nastupi baš u Malemu i Geteborgu. Tifa je sve oduševio, a prisutna publika dala mu je do znanja da i te kako poznaje njegov izvođački opus. Među posjetiocima bilo je mnogo golobradih, koji su izrasli i stasali ovdje u izgnanstvu, ali i pokazali da budno prate sva muzička zbivanja.

Tifa se nastupa u Geteborgu pribojavao nakon velike ragedije u tamošnjoj diskoteci u kojoj je stradalo 63 mladih. Ali kad je sve počelo i kad ga je prepuna dvorana "ponijela", koncert je trajao više od četiri sata. Živjeti se mora dalje, a to su on i Sarajlije ponajbolje iskusili...

Bila je ovo prilika da čujemo i ponešto od budućih planova, koji i te kako interesuju njegove poklonike. Tifa kao i uvijek, skroman

i ne baš pretjerano pričljiv, kada su lične stvari u pitanju, samo je kratko odgovorio da se osjeća "američki".

No njegova desna ruka, producent **Ruždija Metanović** otkrio nam je neke pikanterije. Nakon ove turneje Tifa ulazi u studijo,

koja se okupila uz Tifu je reprezentativna.

Tu su **Zlaja Arslanagić, Milić Vukašinović, Amir Milanović Tula, Sead Lipovača...** Muzičari, uz stalnog pratioca **Nihada Rahića**, biće **Samir Karić** i **Rasko Budimlić**.



Mladen Vojičić Tifa

gdje će raditi na materijalu za novi projekat. Za sada se još ne zna gdje će se to desiti, ali u kombinaciji su *Pavaroti centar* u Mostaru, muzički *Studio 1 TVBiH*, ili studio *Intakt* u Njemačkoj. Ekpa

Od posljednje ploče do danas Tifa je održao 400 koncerata, te je novi projekat tim obavezujući. Kako je Tifa sam po sebi (i oko sebe) "institucija", to se javljaju i neke "stare" diskografske kuće iz Beograda i Zagreba (npr. *Croatia records*) nudeći mu ekskluzivne, što on smatra izrabljivačke, ugovore. Za sada ih ovakve odbija te će vjerovatno i naredni projekat raditi sa *Intakt records*.

Ruždija je otkrio da se sprema i malo iznenađenje, dokumentarna knjiga o Tifi u kojoj će se naći nepoznata imena bh. novinarstva, koji su proteklog desetljeća pisali i bilježili mnogobrojne Tifine uspjehe. Građa je gotovo prikupljena, ali se čeka samo znak za početak realizacije i ovog projekta. Za mart naredne godine, već je ugovorena turneja po SAD i to od istočne do zapadne obale. Kada je Tifa u pitanju, nikada nije dosta i uvijek ima još. No o tome će se tek čuti.

Miralem PERVIŽOVIĆ

KIKETOV VELIKI DERNEK ZA MALU RAJU

'Kike u carstvu životinja'

Kiketov novi album i slikovnica • Sve predstave unaprijed rasprodane

U kino-sali KSC Vogošća proteklog vikenda počela je turneja Kiketove nove predstave. Ovaj put Mirsad Abdagić Kike pripremio je za djecu mnoštvo novina. Snimio je novi materijal pod nazivom Kike u carstvu životinja. Riječ je o dopadljivim i pjevljivim songovima, koji na duhovit i maštovit način predstavljaju svijet životinja. Kasete i slikovnica zvanično izlaze 1. decembra. Slikovnica je kvalitetno rađena i izdaje je ABC Fabulas, a izdavač za kasetu je diskografska kuća Intakt.

Kike kaže da je kasete šarolika i lijepa: "Jedna pjesma govori o kravi koja daje čokoladno mlijeko. Mene je moje dijete pitalo koja to krava daje mlijeko? Druga je o mišu i mačku vegetarijancu, koji je lagan kao maslačak i sl. Sve aranžmane smo radili Goran

Masni, Marin Meštrović i ja. Masni i Meštar su sve i odsvirali, tako da je kasete urađena dobro i u reko-



rdno kratkom roku. U predstavi učestvuju Dino Muharemović i Omar Mjesečar, a Mahir Sulejmanović nam se pridružio ovdje. Poslije Vogošće, gdje smo sjajno primljeni, nastavljamo turneju. Do kraja januara gostovaćemo u 23 mjestima."

U Vogošći su unaprijed rasprodane sve karte. Djeca su pjevala, saradivala sa učesnicima programa, švrkljala i zujala na sve strane. Gromoglasno su sa Omarom pjevala prepoznatljivi muzičku temu njihovog najdražeg crtanog filma Mumijevi. U svakom slučaju, djeca su sretna i zajapurena izašla sa koncerta, a većina roditelja se našla u čudu. Najbolje su prošli oni koji su djecu strpali u sredinu reda, barem nisu za sve vrijeme predstave morali juriti za njima.

I. MARKOVIĆ